

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-23-14906/19
Sarajevo, 16.8.2019. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova na održavanju, zaštiti, rekonstrukciji, izgradnji i obnovi lokalnih i nekategorisanih cesta, trgova, parkinga i mostova (drugi dio)

I

Prihvata se preporuka Komisije za javnu nabavku radova i ugovor za javnu nabavku u predmetu – Izvođenje radova na održavanju, zaštiti, rekonstrukciji, izgradnji i obnovi lokalnih i nekategorisanih cesta, trgova, parkinga i mostova (drugi dio), broj obavještenja 422-1-3-189-3-88/19, objavljen u „Službenom glasniku BiH – Oglasnik javne nabavke“, br. 49/19 od 19.7.2019. godine, dodjeljuje se ponuđaču: „MGBH“ d.o.o. Sarajevo, ulica Lužansko polje br. 7, sa ponudenom cijenom za ugovor u iznosu od 472.482,27 KM sa uračunatim PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. i 3.3. tenderske dokumentacije, koji se odnose na član 45. stav 2 tačka od a) do d) Zakona i dokumentaciju koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

Konstatuje se da je ponuđač dostavio licencu za poslove redovnog održavanja cesta izdatu od strane Federalnog ministarstva prometa i komunikacija, te se oslobađa naknadnog dostavljanja iste.

Obrazloženje

Odlukom broj 02/12-23-14906/19 od 10.7.2019. godine Općina Novi Grad Sarajevo pokrenula je postupak javne nabavke za izvođenje radova na održavanju, zaštiti, rekonstrukciji, izgradnji i obnovi lokalnih i nekategorisanih cesta, trgova, parkinga i mostova (drugi dio), u otvorenom postupku, broj obavještenja 422-1-3-189-3-88/19 objavljen u „Službenom glasniku BiH – Oglasnik javne nabavke“ br. 49/19 od 19.7.2019. godine.

Zapisnikom o otvaranju ponuda od 01.8.2019. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponude ponuđača: „MGBH“ d.o.o. Sarajevo i „PBP“ d.o.o. Konjic. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle dvije ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „PBP“ d.o.o. Konjic ne ispunjava kvalifikacione uslove tražene u tenderskoj dokumentaciji iz podtačke 3.4.1. (1) tehnička i profesionalna sposobnost: da je ponuđač u protekle tri kalendarske godine kao glavni izvođač uspješno izvršio najmanje jedan ugovor koji za predmet ugovora ima radove koji su u vezi s predmetom nabavke vrijednosti najmanje 400.000,00 KM sa PDV-om, a što se dokazuje listom izvršenih ugovora i najmanje jednom potvrdom za ugovor koji za predmet ima radove koji su u vezi s predmetom nabavke vrijednosti najmanje 400.000,00 KM sa PDV-om, koju je izdao naručilac radova. Uvidom u spisak izvršenih ugovora „PBP“ d.o.o. Konjic utvrđeno je da se na istom ne nalazi ugovor vrijednosti najmanje 400.000,00 KM, kao i da nije dostavljena potvrda koja je izdata od strane naručioca koja za predmet ima radove koji su u vezi s predmetom nabavke vrijednosti najmanje 400.000,00 KM sa PDV-om. Dostavljena je potvrda Općine Konjic kojim se potvrđuje ispunjenje ugovornih obaveza dvije ugovorne obaveze, od kojih jedna nije realizovana u potpunosti, a čija je pojedinačna vrijednost manja od 400.000,00 KM, zatim potvrda Ministarstva saobraćaja i veza Hercegovačko-neretvanskog kantona i SERDA-e, koji za predmet nabavke imaju ugovorenu vrijednost manju od 400.000,00 KM.

Iz naprijed navedenih razloga utvrđeno je da ponuđač „PBP“ d.o.o. Konjic ne ispunjava uslove tražene u tenderskoj dokumentaciji iz tačke 3.4.1. (1) tehnička i profesionalna sposobnost, te je ponuda odbačena shodno odredbama člana 68. stav (4) tačka h) Zakona o javnim nabavkama.

Uvidom u preostalu ponudu ponuđača „MGBH“ d.o.o. Sarajevo Komisija je analizom i procijenom dokumentacije kojom ponuđač treba dokazati svoju kvalifikovanost za učešće u ovom postupku utvrdila da ista ispunjava formalno-pravne i kvalifikacione uslove tražene u tenderskoj dokumentaciji.

Nakon što je Komisija utvrdila da je samo jedna ponuda prihvatljiva, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 3. stav (3) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama.

Komisija je izvršila računsku kontrolu ponude ponuđača „MGBH“ d.o.o. Sarajevo i utvrdila da je ova ponuda računski ispravna, ali da je u iznosu od 72.482,27 KM veća od iznosa određenog u Odluci o pokretanju postupka javne nabavke (gdje procjenjena vrijednost predmetne nabavke iznosi 400.000,00 KM sa PDV-om).

Komisija je od Službe za finansije zatražila stručno mišljenje o potrebnom dodatnom iznosu. Mišljenjem broj 02/09-14-sl/2019 od 15.8.2019. godine Služba za finansije je dala saglasnost na traženi dodatni iznos od 72.482,27 KM, te je na osnovu te saglasnosti Komisija nastavila sa procedurom javne nabavke i predložila da se donese odluka o dodjeli ugovora za predmetne radove ponuđaču „MGBH“ d.o.o. Sarajevo, sa ponudom u iznosu od 472.482,27 KM sa uračunatim PDV-om.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za dodjelu ugovora „MGBH“ d.o.o. Sarajevo, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:


Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od objave Odluke o poništenju postupka. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila:
mr. Neira Smajić Sahić

Neira Smajić Sahić

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Semir Efendić